



SANCTUS Quirinus filius fuit maior natu Philip-
pi Imperatoris primi eius conditionis Christia-
ni, qui ex Pannonia oriundus fuit. Mater eius dice-
batur Serena, quæ in fide Christi ab Origene opti-
mè instructa, & postea à quibusdam Genofeua di-
cta est. Hæc itaq; suum maritum Cæsarem ad Chri-
stianam religionem perduxit, atq; suos liberos in
eadem diligenter erudiuit. Cum autem pater à De-
cio Tyranno interficeretur, Quirinus cum fratre
Philippo patrimonium diuisit, atq; multis opibus
onustus, in Noricum peruenit, cum Laureaco quo-
dā uiro doctissimo & S. Laurentij discipulo, à quo
etiam suum nomen habebat. Ibidem S. Quirinus à

locio adiutus, Christum prædicauit, atq; Laureacensem urbem & Ecclesiam
ex paternis bonis fundauit. Hanc urbem postea Attila Hunnus destruxit, &
solo æquauit, ut uix hodie eius uestigia supersint, quamuis antea duobus mil-
libus passuum in longitudinem extenderetur. Ex eo tamen Episcopatu, tan-
quam ex equo Troiano, postea omnes ferè Germaniæ Episcopi manarunt,
utpote Salisburgēsis, Batauiēsis, Aichstetensis, Frisingensis, & Ratisbonēsis.